



VIRO SAPIENTISSIMO
HENRICO HOLDENO.

SACRÆ FACVLTATIS PARISIENSIS DOCTORI

ANTONIVS ARNALDVVS

DOCTOR SORBONICVS

S. D.



EA temporum conditione defensus sum abs te, Vir doctissime, vt ipse ini-
gratus mihi viderer & iniustus, nisi me singulari à te beneficio affectum
esse præ me ferrem. Quamquam enim id tuæ potiùs pietati, quàm ami-
citiæ meæ, ac Deo potiùs quàm mihi tribuisti, cùm mihi tecum nulla familiari-
tas intercederet, tamen hoc testimonium tuum eò pluris æstimo, quò magis su-
spicione gratiæ caret.

Quæ consecuta sunt in subscribendâ Censurâ minorem fortasse tibi gratulandi
causam suppeditant, nullam succensendi. Noui enim humanæ infirmitatis vices,
& paucorum admodum eam vim esse, id animi robur, vt blandientibus ac ter-
rentibus amicis, imminuticque potentia obfistere valeant. Quamobrem vt in te,
quodd Censuræ in me latæ subscripseris, nulla violatæ æquitatis culpa resideat,
opto potiùs quàm spondeo. Illud & confirmo & spondeo, nullam huiusce rei
causâ simultatem & offensionem in me residere.

Aded enim mihi non obfuiſti, vt etiam valde profueris. Nam cùm nihil ipse di-
uersum à te sentiam, non possum, vt in his malis, non lætari, eandem doctrinam
quam in me insectantur vt hæreticam, in te vt orthodoxam & catholicam illis
probari, qui à te Censuræ suscriptionem extorserunt. Ex quo perspicuum est, per-
paucos illos qui cùm in comitiis à Censurâ me exemerint, postea tamen alienis
insidiis, infirmitate suâ Censuræ subscripserunt, non ided quam publicè professi
sunt mutasse sententiam.

Quod igitur à te in facti quæstione sum absolutus, multum tibi debere confi-
teor: quod in iuris disceptatione post ereptam libertatem ab illo cætu cum reli-
quis veritatis & æquitatis amantibus te subduxeris, gaudeo: quod Augustinia-
nam doctrinam nunc etiam aperte profiteris, gratulor: quod in fratris innocen-
tiâ, imò in veritate tutandâ parum firmus videris, nec miror, & doleo; at tuâ
causâ potiùs, quàm meâ. Sed vt is tecum expostulandi locus alienus est, ita pur-
gandi mei planè necessarius.

Scilicet te autore ided Censuræ, quâ modò iniusta est epistolæ meæ propositio,
occasionem præbui. quod eam Thomistarum opinionem, quam tu verè & scienter ex-
plicas, aperit & ingenuè amplecti noluerim: quod omisſis tot Apologeticis vnâ pagellâ
præstare potuissim, hoc à me neglectum homines in eam suspicionem adduxisse dicis, ali-

A

qui me à Thomistarum scholâ, nec non à catholicis Theologorum palestris diuersum in animo recondere.

Quàm tibi, mi Holdene, parum perspectus sum! quàm parum perspecta inimicorum meorum consilia & fraudes! Iam vellem vt sicut Iansenium numquam te attigisse testatus es, etiam illud testatus esses, numquam te Apologeticos meos vidisse. Næ tu multò faciliorem mihi viam apertes, ad te (quod studeo) apud eos qui tuam scripturunculam legerint, excusandum.

Quenam igitur illa Thomistarum sententia est, sub cuius patrosinimum confugere debueram, antiquorum Patrum præsidii parum apud istos iudices tutus? Nimium ea quam tu luculenter his verbis explicas: *Gratiam ex natura sua, seu per se efficacem, ad hoc necessariam esse, vt actu faciamus bonum aliquod meritorium: vel vt actu superemus grauem aliquam tentationem. Per gratiam per se efficacem intelligo eam qua suum semper habet effectum. Fateor tamen & agnosco hominem iustum habere gratiam habitualem, & sapissime actualem, etiam interiore quâ verè potest bonum quodlibet meritorium facere, & grauem quancumque tentationem superare. Hæc autem gratia quod verè dat posse, quamuis non illud posse quod semper cum effectu coniungitur, solius enim gratia per se efficax est hoc efficere, communiter à Theologis sufficiens dicitur, quam ego etiam in hoc sensu sufficientem agnosco. Quibus paulò post addis: Cur non licet dicere cum S. Thoma, gratiam habitualem & sanctificantem dare posse, & sufficere ad illud efficiendum, quod reipsa numquam sola efficiet?*

Itane hoc non professus sum? Itane hæc me sentire non apertè ruli? Attende, mi Holdene, satine hanc quam profiteris Thomistarum sententiam his verbis, in 2. Apologetico complexus sim. Illis etiam iustis qui peccant possibilia fuisse, illa ipsa præcepta quæ transgrediuntur, non eâ tantum possibilitate quæ ex SS. Patrum doctrinâ impiis & infidelibus competit: sed eâ quam iustis confert donum gratuitum naturæ superadditum, quo iusti ad non peccandum adiuuantur, vt docet S. Thomas 1. 2. qu. 109. art. 2. 6. 9. et si ex eodem Angelico Doctore vterius indigeant auxilio Dei animû interius mouentis, dirigētis, & protegētis. Et paulò post adhuc explanatiûs. Non eâ tantum ratione præcepta Dei iusto possibilia sunt, quia potest ea seruare si vult, iuxta doctrinam S. Augustini, de eo quod in potestate nostrâ esse dicitur: verum etiam quia per spiritum gratiæ & charitatis sibi in iustificatione infusum veram & interiore habet ad ea seruandâ potentiam; et si ex doctrinâ SS. Patrum & Conciliorum vterius indiget eâ gratiâ quæ ad singulos actus datur, siue efficaci illo Dei interius animam mouentis auxilio, sine quo, vt expressè ait S. Thomas, mandata seruare, & in acceptâ iustitiâ perseuerare non potest.

Hinc fit vt de iusto efficaci auxilio in aliquâ tentatione destituto rectè dicatur, & potuisse illum eam tentationem superare, & non potuisse. Potuit enim quantum ad potentiam illam quam gratia in iustificatione accepta cuius iusto suppeditat. Non potuit verò, quia non habuit ea omnia quibus indigebat vt hæc potentia in actum suum exiret, sicut loquuntur Theologi.

Obsecro, mi Holdene; an non agnosco gratiam habitualem quæ dat omnibus verum posse? An aliud est verum posse quod profiteris, & vera potestas quam profiteor? An aliud significat gratia habitualis nomen quo vtetis, & hæc verba, *spiritu gratiæ in iustificatione infusus*, quibus vtor?

Quid eximius ille Caietani locus quem attexui? Parumne declarat veram à me mandata seruandi potestatem admitti? Quemadmodum, inquit illustrissimus Cardinalis, *stant hæc duo simul: homo habet potentiam visum quæ potest videre; & homo*

non potest ex sola illâ visâ p̄tentiâ videre, quoniam sine extrinseco lumine numquam hæc potentia exibat in actum. Ita in proposito, quia gratia est quâ homo est p̄tens elicere operationem bonam, & resistere incurſionibus temptationum; & continuare in hoc, quod est perseverare: idcirco homo iustus donatus dicitur dono quo hæc potest. Sed quia gratia habitualis NON POTEſT exercere hos actus simpliciter, quando oportet, ubi oportet, &c. idcirco dicitur quod hæc sola gratia sine speciali auxilio (quod paulò p̄st non omnibus iustis dari diserte affirmat) NON POTEſT in hac simpliciter.

An id me non addidiſſe cauſabitis: Iustis ſapissime gratiam actualem adesse quâ bonum possint operari? At illud cur addiderem, de quo nulla quæſtio vertebatur, & quod mecum omnes S. Augustini discipuli libenter agnoscunt? Tecum enim gratiam iustis actualem ſapissime dari conſentunt; ſemper, negant: quibus tamen ſemper verè mandata ſeruandi poteſtas competit.

Quid eſt igitur in quo tibi mecum non omnino conueniat? An ſufficientis gratiæ nomen à te uſurpatum, à me omiſſum? Verùm illam tibi diſſiſſi occasionem ipſe præcidis. Inutile enim & animi perturbati indicium tibi videri dicis de vocabulorum proprietate, ſeu de modo loquendi contumaciter diſputare.

Nec ab hac reâ mente ipſe abhorreo. Quamquam enim in fide non modò rerum, ſed etiam verbotum nouitates valde fugiendæ ſint: quia tamen nomen illud gratiæ ſufficientis, tameſi Patrum auribus inauditum, nonnullam in ſcholis jactationem habet, nolim de hac voce temerè litigare, dum modò idoneâ explicatione à Molinianâ quam præ ſe fert ſignificatione ad aliam catholicam traducatur.

Sufficientem igitur gratiam impugnaui, ſed Molinianam. Illam reiſci quæ ſine ſuperaddito auxilio ſatis eſt ad reipſâ & effectiue agendum. Illam inſectatus ſum quæ pro liberi arbitrij nutu modò efficaciſ eſt, modò inefficax. Hanc falſam, hanc Pelagianam, hanc hæreticam, ſemper cum vniuerſâ Thomiſtarum ſcholâ contendi.

Illam verò quam antiquiores Thomiſtæ, quam Louanienſis & Duacenſis Facultas, quam Eſtius, aliique in gratiâ habituali conſtituunt, hoc inquam gratiæ ſufficientis genus, cui alia gratia neceſſaria eſt vt in actum prodeat, ſemper admiſi.

Illam ipſam recentiorum Thomiſtarum ſufficientem & actualem gratiam non aſpurno omnino, ſæpe tecum dari fateor, ſemper nego. Sæpe datur, quia ſæpe concupiſcit ſpiritus aduerſus carnem, & bonos in anima motus excitat, quibus reuera reſiſtitur, eſi ex omnium Thomiſtarum doctrina eum effectum habeant quem vult Deus. Non ſemper datur, quia non ſemper innotefcit quod latebat peccatum, quia per ignorantiam, per errorem, per ſubitam cupiditatem ſæpe delinquitur, vt ait Aug. lib. de pecc. mer. c. 17. quia non ſemper delectat bonum, vt ibid. tradit, quia non ſemper concupiſcit ſpiritus aduerſus carnem, vt luculenter docet. 6. operis vltimi in lul. hiſ verbis: *Concupiſcentiâ reatu: niſi in renaſcentiis non ſoluitur, vt eo poſt hanc abſolutionem non inquinetur, niſi qui ei ad perpetrandum opus malum ſpiritu aduerſus eam vel NON CONCVPIſCENTE vel non fortius concupiſcente conſentit.*

Sed quamquam in hoc capite diſſentire me ab Aluarezio non difficeat, ne ab antiquioribus Thomiſtis diſſentiam; illud tamen diſſidium (quod tu diligenter attendas velim) nihil omnino Epistolæ meæ propoſitionem attingit. Nam cum gratiam Petro deſuiſſe dixi ſine qua nihil poterat, non omnimodam me ab ipſo gratiam actualem ſummouiſſe in Apologeticis teſtatur ſum, ſed tantum efficaciæ quâ re ipſâ & effectiue reſtationem ſupretaret.

A ij

Et tenebra si quis me roget utrùm Petrus in tentatione positus, actuali gratia planè desertus sit, nescire me fatear; potuit enim habere piam cogitationem, potuit habere pium Spiritus sancti motum: potuit etiam non habere in pœnam præsumptiuus fuisse. Ergo si quis gratiam actualem Petro concedat, rationes forassequi cur id asserat, repugnabo numquam. Non igitur illud dixi; Patres & scripturam Petro gratiam omnem actualem defuisse testari. Nam illud dicere quî possem quod me nescire confiteor; illud noui, illud dixi, illud contendî Petro gratiam efficacem ad vitandum peccatum necessariam defuisse. Quod genus gratiæ interim habuerit, an sufficientem actualem, an gratiam orandi, numquam hoc loco, aut affirmate aut negare animus fuit. Neque enim dissimulatas quæstiones miscere soleo, ut nihil iis fieri possit iniustius, qui me à propositionis meæ finibus ad alias contentiones abducunt.

Quod mones de ratione loquendi ad vitandam rudiorum offensionem; de cauendis propositionibus quæ præceptorum possibilitatem generalim negant, in hoc mihi vehementer prudentiam tuam probas, à quâ non defecisse nos, si Apologeticos nostros legeris, faciliè cognosces. Etsi enim impossibilitatis voce, quæ ex se dura est & malè interpretationi obnoxia, consultò semper abstinui, ad illam ipsam maxime innocuam loquendi formulam, quâ iustum dixi, tentationem interdum superare non posse, ferè semper addidi voces illas, *alibi, respiciè, & eiusmodi*, quas tu ad cautionem addendas rectissimè præcipis.

Cur autem in propositione non addiderim, ea causa est quodd Patrum verba, non mea, proferebam: Patrum autem verbis aliquid addere, præsertim vbi ex adiunctis patet sententia, hominis est parum cautos Patres existimantis; nec recentiorum opiniones ad ipsorum placita, sed ipsorum placita ad recentiorum & scholasticorum vocum amussim & normam exigentis.

Nihil igitur tuus à meo discrepat sensus, nec meus à tuo. Si tibi Censuræ subscribere licuit, liceret & mihi: non minùs enim sensum illum, quo præceptorum impossibilitas astruitur, à maiori parte Facultatis, ut tuis verbis utar, viciniquè intellectum damno & reicio, quàm tu, quàm illi. Neque minus quam tu hæreseos damno, qui ita affirmet impossibilitatem existendi effectus ut omnem etiam denegat potestatem ad effectum: in quo errorem à Censura proscriptum reponis: Quia hæc duo, inquis, simul stare & coniunctim esse vera docet & Christiana Religio, & philosophia naturalis. Cui sententiæ tuæ libenter assentior, & subscribere paratus sum. Quare si nihil ad te Censura pertinet, ne ad meipsum quidem. Verùm ut hunc sensum eiuro & execor, sic mihi per calumniam affictum, per summam iniuriam in Patrum verba testor intrusum. Quod exemplum si semel suscipiatur, manabit latiùs, & ad omnium Theologorum perniciem serpet. Cuius enim tam accurata, tam cauta verba sint, ut non in aliquem sensum erroneum inimicorum arbitrio detorqueti possint.

Sed tu, Vir sapientissime, non satis acutè totum illius machinationis consiliùm & mentem intrespicias. Verum quidem est, omnes qui timore tantùm vel humanâ gratiâ, sed nullo priuato in me odio ducebantur, hunc vanum & fictitium errorem in propositionis meæ verbis damnauisse, atque hanc conscientię suæ nubem obiecisse, ut factum illi suum excusarent. At factionis illius duces aliud omnino sequuntur, aliud spectant. Nam Molinisticis partibus iamdiu iuncti, Augustino & gratiæ præsertim efficaci capitaliter infensi, omnibus illam modis à Facultate eiecram, ex orbe christiano exturbatam volunt. Hanc cum apertè aggrèdi non audeant, cuniculis & insidiis tentant. Hâc mente Censuram suam ita

5

conflant, vt nullo negotio in gratiam efficacem controuteri possit: nec illorum voluntari defuerit euentus, si esset aliqua Censuræ autoritas. Nihil enim expeditius quàm illud probare, gratiæ efficacis necessitatem à Facultate esse prescriptam.

Propositionem meam sic exposui, vt nihil in eâ contineri docerem, nisi gratiam ad vincendam tentationem necessariam iustis aliquando deesse, siue illam sine quâ non possunt proximè, completè, & effectiue tentationem vincere.

Huic propositioni sic expositæ notam hæreseos inurunt. Malè à me explicatam non queruntur: nullam ipsi interpretationem, nullum sensum assignant. Quid aliud consequitur, nisi hanc propositionem, prout à me explicata est, hæreticam esse; & oppositam propositionem ad fidem pertinere, nimirum illam quam tu Molinianam & Pelagianam esse fateberis: Nulli iusto in tentatione posito deest gratia ad tentationem superandam necessaria, siue ea sine quâ non potest reipsâ & effectiue tentationem superare.

Cernis opinor quàm astutè triumphantem Molinam in Facultatem inuexerint. Omnes enim illi sensus, quos in mente habuisse se fingunt, illicò euanescent. Quid Censura significet, non aliunde quàm ex ipsius verbis, meisque iudicabitur. Nihil ego assetui nisi gratiam efficacem ad singulos pietatis actus necessariam esse. Nihil ergo aliud damnauerunt, nisi eiusdem gratiæ necessitatem.

Id si pati potes, ipse non patiar, Patrumque & Ecclesiæ doctrinam pro viribus ab ipsorum petitionibus quantum licebit, ipsâ cui milito infirmitatem meam gratiâ protegente, defendam.

De me verò iterum tibi confirmo, nullis me flexibus, nullis cauillationibus vmquam usum, vmquam vsurum. Sed eam S. Thomæ sententiam, quam tu in Epistola, ego in Apologeticis exposui, & alibi fortasse latius exponam, ex animo amplecti.

Quamobrem si meus tibi sensus vmquam probatus est, & nunc etiam probari potest. Eadem enim sentio, quæ sensi. Idem sum qui fui, S. Augustini & S. Thomæ non minùs quàm olim studiosus: Summi Pontificis, & sacri Episcoporum ordinis non minùs religiosus venerato: & cultor: Ecclesiæ non minùs obsequens filius: tibi ac defensoribus meis non minùs gratus, quidquid illi tandem de me ac de se constituent: neque enim ex illorum officio pendet meum. Quàm volent inimici læuiant, qui volent amici deserant: ego tamen & inimicis patientiam, & amicis gratum animum præstare conabor. Vale. Pridie Calend. April. 1656.

DOCTISSIMI VIRI
HENRICI HOLDEN
 DOCTORIS THEOLOGI PARISIENSIS
 EPISTOLA
 CVI SVPERIOR RESPONDET.

REVERENDE ADMODVM
 ET COLENDISSIME DOMINE.

Eiusmodi in me imperium meritò habes, vt quicquid à me, quamvis in se sit leuissimum postules; id mihi tamen grauissimum videatur. Dicis me damnatæ Iansenianæ Doctrinæ defensores haberi, suspicarique quàm plurimos me Censuræ in D. Arnaldum latæ non subscripturum. Atqui vt quàm à veritate vtrumque alienum sit intelligas, vtque tuis in hac re postularis satisfaciā, sic animi mei sensa summa quā fieri potest, breuitate, claritate, & sinceritate apeto.

Quantum ad Iansenium profiteor (sicut & publicè testatus sum) me librum eius nunquam legisse, ne paginam, ne columnam quidem. Quod autem ignoro haud facillè soleo, aliorum fides testimonio, vel approbare vel improbare. Verumtamen quia Iansenium simul cum quinque propositionibus, quas ab initio damnaui, ab Innocentio decimo damnatum video, tantæ & tam sacræ auctoritatis intuitu, eodem omnino modo quo summus Pontifex Iansenium & quinque propositiones damnauit, & ego illum, & illas damno.

Profiteor etiam in difficillima de gratia questione, de qua modò agitur inter nos cum tanto ardore, me ipsissimam eandem tenere & amplecti doctrinam, quam jam à triginta & quinque annis in diuersis orbis Christiani Academijs publicè sustinui. Nimirum *gratiam ex natura sua, seu per se efficacem* ad hoc necessariam esse vt actu faciamus bonum aliquod meritorium, vel vt actu superemus grauem aliquam tentationem. Per *gratiam per se efficacem*, intelligo eam quæ suum semper habet effectum. Fateor tamen & agnosco hominem iustum habere gratiam habitualem, & sæpius actualem etiam interiorem, qua verè potest bonum quodlibet meritorium facere, & grauem quamcumque tentationem superare. Hæc autem gratia eo quod verè dat posse (quamvis non illud posse quod semper cum effectu coniungitur, (soli enim *gratia per se efficaci* est hoc efficere) communiter à Theologis *sufficiens* dicitur. Quam ego etiam in hoc eodem sensu *sufficientem* agnosco. Quævis autem sit hæc *sufficiens*; & an rectè discernatur à *gratia per se efficaci* per communem Thomistarum distinctionem, & in Scholis Sorbonicis vlitatam, de *proxima & remota*, de *completa & incompleta*, & similibus

terminis, penes Theologos sit iudicium. Inutile enim & animi perturbati iudicium mihi videtur de vocabulorum proprietate seu de modo loquendi contumaciter disputare. Qua in re tamen non censeo recentiores Thomistas adeo longè aberrare à veritate, multò minus à charitate & prudentia, quàm existimant ij qui in rigida nimis vocis significatione nolunt *sufficientiam* vnquam vsurpari nisi pro *efficacia*. A quibus quæro. 1. An grammaticalis ac verbalis huiusmodi quæstio tanti sit ponderis & momenti, vt mereatur tot dissidiorum & schismatum occasio fieri? 2. Cur non licet dicere cum S. Thoma *gratiam habitudinem & sanctificantem dare posse & sufficere* ad illud efficiendum, quod re ipsa nunquam sola efficiat? 3. Cum principalis relatio huius vocabuli, *sufficientia* se teneat ex parte causæ; præcipuus autem ordo huius vocis, *efficacia*, ex parte effectus, cur aded abhorrent ab hoc loquendi modo? Qui etenim causam aliquam dicit *efficacem*, re ipsa denotat eam actu agere: qui verò *sufficientem* dicit, denotat solummodò causam perfectè dispositam ad agendum. Nec conuenit vrgeri, *potentiam* dici non debere *sufficientem* quamdiu deest ei aliquid requisitum ad hoc vt actu agat. Certum est enim nullam prorsus esse *potentiam*, tametsi ea perfectissimè disposita sit ad agendum, quæ vnquam actu agit nisi superaddatur ei vel præmotio, vel saltem concursus Dei. Ac proinde iuxta hanc sententiam nunquam dicere licebit *potentiam* aliquam esse *sufficientem* vsque dum actu agat, quæ tunc sanè non amplius dicenda est *sufficiens*, sed *agens*. Quapropter cum dico *gratiam per se efficacem necessariam esse* ad bonum aliquod meritorium faciendum, vel graue malum vitandum; intelligo *necessariam esse* ad hoc vt actu ponatur effectus, non autem ad hoc vt verè *posse* poni effectus. Aliud enim est, esse necessarium vt aliquid actu sit, aliud esse necessarium vr possit esse. Interea quicquid sit de subtilioribus huiusmodi quæstionibus, existimo maximè conuenire, quouis cumque datur occasio loquendi vel scribendi affirmatiuè de *impossibilitate cuiusvis mandati*, vel negatiuè de *non posse* bonum aliquod meritorium facere, aut graue quicquam malum vitare, semper addendam esse, ad maiorem cautelan (quamuis neque S. S. Ecclesiarum patres, neque antiquiores aliqui Thomistæ hoc vbique obseruant) particulam aliquam, velui, *effectiue*, vel ea *possibilitate* aut *potentia* quæ semper coniungitur cum suo effectui: quo tollatur omnis verborum æquiuocatio, quæ hæretica sensui locum dare possit. Huiusmodi namque propositiones negatiuæ, siue vniuersales sint, siue absolutæ, sunt malignantis naturæ: & non solum affirmant *impossibilitatem* existendi effectus, sed omnem etiam denegant *potestatem* ad effectum. Quæ tamen simul stare & coniunctim esse vera docet & Christiana Religio & Philosophia naturalis.

Tandem profiteor me nihil vnquam sustinuisse, vel approbare voluisse in tota de gratia materia, præterquam quod plurimi Orthodoxi de Thomistarum schola Theologorum in Italia, tum in Hispania, tum in Belgio, tum etiam in Gallia publicè scripserunt, & quotidie docent ac tuerentur.

Hanc eandem esse D. Arnaldi sententiam semper existimabam. Quam licet coram fratribus suis in publicis Sorbonæ comitiis palam declarare voluisset, ab omni erroris censura sine dubio euasisset. Sed quia nec sese præsentem sistere, nec Thomistarum hanc opinionem apertè & ingenuè profiteri voluerit (quod vnica pagella tot omisissis Apologeticis præstare potuisset) censuræ, qua modò inultus est, occasionem præbuit. Immo alienum aliquid à communi Thomistarum schola, necnon à Catholicis Theologorum palestris diuersum, se tenere secretò aliquibus suspicionem dedit. Qui enim D. Arnaldi propositionem hærescos damna-

rant, ei maxime inniti voluerunt fundamento, quod *mandatorum impossibilitatem*; & debilem nimis *gratie impotentiam* astruere videbatur. Quamobrem ij qui vel comitiis non interfuerint, vel qui ab omni censoria nota D. Arnaldum eximendum esse iudicauerint, eadem prorsus basi & argumento suffulti, communi totius societatis & corporis sententiae licite possunt, meo iudicio, hac ratione subscribere. Hoc enim verè aliud non est quàm testari D. Arnaldi propositionem in sensu à majori parte Theologicæ nostræ Facultatis utcumque intellecto & explicato, hæreticam esse. Hic idem planè mos est & consuetudo in omni corpore & societate iudiciaria. Hoc in Conciliis etiam Oecumenicis actum nouimus. In quibus nonnunquam Episcopi, iis ipsis decretis, quæ in sententiis suis ferendis haud leuiter reprobant, vnà cum cæteris solent subscribere.

Hanc tibi, Reuerende admodum & colendissime Domine, veritatis & conscientie meæ rationem reddere & debui & volui. Tibi, dico, quem confirmata Ecclesiastici regiminis scientia atque experientia; quemque vigilantissima pastoralis muneris sollicitudo per Gallias vniuersas celeberrimum reddidit. Tibi, dico, qui me parochiæ tuæ inquilinum inter piissimos suauissimi odoris seminarij tui Presbyteros, etiam insignissimum permittere non dedignaris in Ecclesia tua sacrificium offerre. Quod obsequij mei testimonium vt gratum habeas humillimè obtestor. 5. Feb. 1656.

HEN. HOLDEN.